

Formiranje i svakodnevni rad Osnovnih organizacija sindikata na visokoškolskim organizacijama Univerziteta u Sarajevu

Sindikat Univerziteta u Sarajevu je formiran 22.06.2006 god. i zakonski registrovan u Kantonu Sarajevu dana 27.12.2006 god. od strane Ministarstva pravde.

Sindikat je jedinstvena organizacija zaposlenih na Univerzitetu u Sarajevu, a u okvirima Sindikalnih organizacija na visokoškolskim institucijama se odražavaju određene specifičnosti.

Član Sindikata može biti svako ko je zaposlen na Univerzitetu u Sarajevu.

Sindikat Univerziteta u Sarajevu ima Centralni odbor kojeg čine po jedan član ispred svake visokoškolske ustanove.

Centralni odbor je najviše tijelo Sindikata između dvije Skupštine i obavlja sve poslove iz nadležnosti Skupštine između dva zasjedanja.

Centralni odbor ima Izvršni savjet od šest članova. Izvršni savjet Sindikata je izvršni organ Centralnog odbora. Članovi Izvršnog savjeta biraju se iz sastava Centralnog odbora kao predstavnici grupacija na Univerzitetu.

Na visokoškolskim institucijama djeluju Sindikalne organizacije kao podružnice koje imaju svoj pečat s punim nazivom Sindikata, imenom podružnice i znakom Sindikata.

Sindikalnu organizaciju čine svi članovi Sindikata zaposleni na jednoj visokoškolskoj ustanovi.

Organi Sindikalne organizacije su:

- Sindikalni odbor i
- Nadzorni odbor.

Sindikalni odbor čine članovi koje bira Sindikalna organizacija. Sindikalni odbor treba da broji minimum pet članova (predsjednik, zamjenik predsjednika, sekretar, blagajnik i ostali članovi) i on treba da odražava strukturu zaposlenih (profesore i asistente, kao nastavno osoblje i ostale zaposlene u službama od interesa za fakultet) i zastupljenost po osnovnim organizacionim cjelinama.

Nadzorni odbor bira Skupština Sindikalne organizacije. Nadzorni odbor Sindikalne organizacije ima tri člana. On kontrolira pravilno korištenje finansijskih sredstava i ukupne sindikalne imovine.

Članovi sindikata su obavezni plaćati članarinu u iznosu od 0,5% od neto plate, a od toga 70% ostaje Osnovnoj organizaciji sindikata, dok 30% se preusmjerava za rad Sindikata Univerziteta u Sarajevu.

Način raspodjela i trošenja finansijskih sredstava unutar Osnovnih organizacija sindikata i Centralnog odbora SUNSA definiran je Pravilnikom o finansiranju i korištenju sredstava u sindikatu.

Sastanke Osnovne sindikalne organizacije saziva predsjednik Sindikalnog odbora po pitanjima koja su razmatrana na Sindikalnom odboru ili na zahtjev Centralnog odbora sindikata Univerziteta u Sarajevu.

Zakazivanje sastanka Osnovne sindikalne organizacije može inicirati pismeno 30% članova organizacije sa jasno definiranim prijedlogom dnevnog reda i obrazloženjem.

Sindikalni odbor Osnovne sindikalne organizacije dužan je u roku od sedam dana da organizira sastanak Osnovne sindikalne organizacije samo sa navedenim dnevnim redom i pismenim obrazloženjem.

Odluke koje se razmatraju na sastanku Osnovne sindikalne organizacije su punovažne ako je na sastanku bilo prisutna većina članova i ako su za njih su glasale 50% plus jedna glas prisutnih članova organizacije.

U slučaju da na sastanku osnovne sindikalne organizacije nema potrebne većine, zakazuje se ponovni sastanak u roku od najduže od pet dana. Ako i na ponovljenom sastanku Osnovne sindikalne organizacije ne bude dovoljne većine, tada će Sindikalni odbor izvršiti ponovno registriranje članstva putem pristupnica na tom sastanku i na taj način će stvoriti pretpostavke da se odvija normalan rad Osnovne sindikalne organizacije u skladu sa demokratskim principima.

Svi sastanci sindikalnog odbora trebaju da imaju zapisnik sa sastanka u kojem se navodi datum održavanja, dnevni red, broj prisutnih članova i zaključci sa sastanka. Zapisnik potpisuje zapisničar i predsjednik ili sekretar Osnovne organizacije sindikata.

Predsjednik Sindikata Univerziteta u Sarajevu

Prof. dr Berko Zečević